

Creader da medias interactivas AFQ

Creadra da medias interactivas AFQ

Kommunikation, Medien

Marketing

Druck, Papier

Design

Durada

4 onns

Terminaziun

Eidgenössisches
Fähigkeitszeugnis EFZ

Indicaziuns davart il salari

1. onn d'emprendissadi: CHF 700.-
2. onn d'emprendissadi: CHF 900.-
3. onn d'emprendissadi: CHF 1100.-
4. onn d'emprendissadi: CHF 1500.-

Sco creadra u creader da medias interactivas mainas ti projects e creeschas cuntegns sco maletgs, suns, videos u animaziuns 3D. Ti produceschas meds da communicaziun digitalis interactivs sco paginas d'internet ed apps. Per ch'ins haja access cun smartphones, computers e tablets a quests meds, publitgeschas ti els en l'internet.

Incumbensas

Sviluppar e preparar projects

- chapir e documentar ils basegns da la clientella e describer las prestaziuns planisadas
- controllar, sche las incumbensas èn realisablas e las finamiras pon vegnir cuntanschidas
- far retschertgas creativas, tecnicas e tematicas per il project
- sviluppar ideas, concepts da communicaziun e da design e preschentar ils sbozs a la clientella
- preparar projects cun cuntegns digitalis interactivs, p.ex. paginas d'internet, apps u trailers cun resguardar l'incumbensa ed ils basegns da la clientella
- planisar ils process da lavur

Realisar e publitgar projects

- far videos e fotografias u registrar suns
- elavurar videos, fotografias u suns, p.ex. tagliar u maschadar
- producir trailers, per documentaziuns, films dramatics u films curts
- crear animaziuns 2D u 3D cun software professiunala
- sviluppar newsletters
- elavurar e programmar paginas d'internet

Inserir e publicitar cuntegns

- inserir cuntegns sin paginas d'internet, p.ex. fotografias, texts statistics u animads, infograficas e videos
- manar tras tests d'utilisaziun, per vesair, sch'il med da communicaziun è simpel da duvrar e sch'el sto anc vegnir adattà
- publicitar meds da communicaziun digitalis interactivs, p.ex. per tablets, smartphones u computers
- far reclama sin social media e tgirar il contact cun la clientella

Ambient da lavur

Sco creadra u creader da medias interactivas lavuras ti en studios da fotografia e da video, savens en in team, mintgatant er suletta u sulet. Las registraziuns vegnan fatgas endadens u en il liber. Curt avant il termin da consegna lavuras ti en moda fitg intensiva, per finalisar a temp las incumbensas. Durant quest temp intensiv pon resultar sururas.

Ti chattas plazzas da lavur en agenturas da communicaziun u da medias, en partiziuns web d'autoritads ed en redacziuns d'emetturs da radio e televisiun u da gasettas. Las pussaivladads da lavurar e da far carriera èn bunas, perquai ch'ils products da multimedia èn fitg dumandads. Bleras creadras e creaders da medias interactivas lavuran en moda independenta.

Pretensiuns e interess

Pretensiuns

- Creatividad
- Talent artistic
- Abilitad da communitgar
- Chapientscha tecnica
- Abilitad da s'adattar a novas tecnologias
- Abilitad da lavurar en in team
- Imaginaziun tridimensiunala
- Abilitad da planisar e d'organisar

Interess

- Dissegnar, decorar, crear
- Lavurar en il team
- Lavurar al computer

Scolaziun

Manaschis

Formaziun pratica en in'agentura da reclama, en ina redacziun da radio, televisiun u online, en in atelier graphic u en ina partiziun da communicaziun: 3 fin 4 dis per emna

Scola

1 fin 2 dis per emna en las scolas professiunalas spezialisadas chantunalas.

Curs odaifer il manaschi

En plirs chantuns: 20 dis durant 4 onns

Scola a temp cumplain

Tut las scolas

<https://www.berufsberatung.ch/de/suche/aus-weiterbildungen?profession=57132&language=5239>

Durada

4 onns

Cundiziuns d'admissiun

- Terminà la scola obligatorica
- Intgins manaschis pretendan in test da qualificaziun

Maturitad professiunala

Sche las prestaziuns da scola èn fitg bunas, pon las emprendistas ed ils emprendists frequentar supplementarmain la scola da maturitad professiunala.

Titel da finiziun

Creader / Creadra da medias interactivas AFQ

Furmaziun cuntinuonta

Curs

Curs da l'associaziun **dpsuisse** ↗

<https://dpsuisse.ch/de/berufsorientierte-weiterbildung>

Examen professiunal (EP)

– Commerziant / Commerzianta da tipografia e da medias EP

Examen professiunal superiur (EPS)

– Manager / Managera da publicaziun EPS

Scola spezialisada superiura (SSS)

– Manager / Managera da medias SSS

Scola auta spezialisada (SAS)

– Bachelor of arts en communicaziun visuala

Tut tenor la scola auta spezialisada valan differentas cundiziuns d'admissiun.

Professiuns sumegliantas

Ulteriuras infurmaziuns

Swissdoc Nummer

TODO

dpsuisse

<https://dpsuisse.ch/de/home>

Verband der Print- und Medienindustrie

TODO

<https://www.becc.admin.ch/becc/public/bvz/beruf/show/47118?lang=de>